

題孔先生控中

空門寂寂鑱靈泉喜趣靈泉玄上玄僻靜每招閑客至幽居常
共馬風眠清涼境界超塵路履此方知別有天行者肯來低處
覓便教瞥地見神仙

贈濬州王三校尉

王公吉善愛玄流勸我勤勤倒玉甌積善迤於心上起壘功須
向性中求利他損已通真理忍辱慈悲達妙幽平等順和常大
道三人同上大神舟

題雲溪菴

雲溪高隱臥煙霞默飲陽晶與月華霧斂丹田生瑞草雲收靈
道藏輯要

水雲集

三

胃集五

腑結瓊葩青龍吐火烹金茗白虎跑泉漑玉芽龍虎媿交功九
轉刀圭一粒捧丹砂

述懷

自慕貧閑探妙機便知身入白雲飛逍遙物外超塵網脫灑懷
中解垢衣恐損陰功搜已過慮傷道德怯人非他時九轉丹砂
就同約三仙從我歸

又

挫銳摧彊作善良頓然心法兩俱忘鼎中頻起金剛焰爐內常
燃般若香玉蕊乍芳惟獨採蟠桃初熟與先嘗莫言迢遞華胥
國了了空虛路不長